

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sect. V. Argumenta contra poßibilitatem eliciendi actum amoris Dei super
omnia in naturâ lapsâ.

urn:nbn:de:hbz:466:1-13718

I. *Qui adhuc
amoris na-
turalis Deum
diligenter,
non prope-
re est ju-
stificatus.*

Dices primò : sequitur hominem qui hujusmodi actum amoris Dei eliceret, fore & non fore justificatum : primum constat, effectus namque perfectè ad Deum conversus ; quod verò non fore justificatus, non minus videtur manifestum, alioqui posset quis solis naturae viribus justificari. Relpondetur hunc hominem in dicto casu non justificandum ; quamvis namque effectus conversus ad Deum conversione actuali, & affectivè, ut alibi insinuavi, non tamen conversione perfectà, seu per renovationem internam & supernaturalem, quæ à Conciliis & Patribus requiritur ad justificationem ; hæc siquidem fit tantum per gratiam sanctificantem. Aliud ergo est peccatum retractari, aliud remitti, ut constat in attritione etiam supernaturali, qua peccatum retractat, & ab eo hominem efficaciter avertit, omnemque illud admittendi effectum excludit, non tamen peccatum tollit.

II. *Si quis ex
amore na-
turali Dei
vitam amittet,
non efficit Mar-
tyr.*

Dices secundò : si quis naturae viribus Deum diligere possit super omnia, ergo & super propriam vitam, ergo per meras vires naturales posset quis pati martyrium. Resp. gratiâ semper preveniri eos, qui vitam pro Deo & verâ fide profundunt : qui verò ex amore tantum naturali corpus traderet, ita ut ardeat, non forcat Martyr.

III. *Obligatur,
etiam in na-
turâ lapsâ
posse dari co-
gnitio Dei
naturali, sufficien-
tia ad existan-
dum illius
amorem.*

Dices tertio : deest sufficiens cognitio Dei, quæ ad hujusmodi dilectionem excitat. Contra : viribus naturæ, etiam in naturâ lapsâ cognosci potest Deus, ut auctor naturalis, nempe ut creator & conservator hujus Universi, ipsiusque adeo hominis, sicut ut plurima in nos beneficia naturalia conferens. Deinde bonitas & excellētia Dei cognosci ex creaturis potest ut summe amabilis : unde & hoc est dictamen naturale, *Deus est diligendus super omnia*, ergo potest homo per breve saltum tempus considerationi bonitatis Dei vacare, ejusque beneficia mente revolvare.

IV. *Declaratur
quo pacto ad
breve tem-
pus possit ho-
mo lapsus
Deum dilige-
gere.*

Cum itaque vires naturales physica sint sufficiientes, utpote aquæ, imo eadem cum iis in naturâ integrâ, & statu innocentia, solùmque tunc poterat per eas vires hunc actum elicere, quia appetitus aureo illo retinaculo continebatur, ne homini bellum intestinum moveret, ac tentationes & turbas excitaret, cum inquam homo frequenter, ad breve saltum tempus nullas tentationes habeat, est quoad hoc sicut in illo statu, cum hac tamen differentia, quod ibi ita temptationibus appetitus caruerit, ut irruere in eum non potuerint, hic verò possint. Quemadmodum exempli gratiâ, si duo viribus pares unâ incederent, vel navem in eodem fluvio traherent, aut propellerent nullo flante vento contrario, sanè æquè velociter incederet uter-

*Differentia
circa actum
amoris Dei
in naturâ
lapsâ & in
tegrâ.*

R. P. Comptoni Theol. Scholast. Tom. I.

que, vel navem traheret durante malaciâ, esto alter hoc sibi concessum haberet privilegium, ut nunquam vento adverso uteretur. Cùn ergo hic sint omnia principia hujusmodi actus amoris, non est cur dicamus elici cum non posse.

V. *Inter statum
naturæ lapsâ
hic in via.
& statum
damnatorum
circa actum
amoris Dei
lata est dis-
paritas.*

Dices quartò : damnati in inferno nunquam cogitationem ullam congruam habent ad bonum, sed statui illi connaturaliter datur series cogitationum incongruarum, & ad amorem Dei, & quodvis aliud opus bonum, ergo idem dici poterit de statu naturæ lapsæ, saltem quoad actum amoris Dei super omnia. Nego consequentiam : disparitas est aperta : in illo enim statu damnationis nullam habent cogitationem congruam ad bonum ratione summa miseria in eo repertæ, nempe omnimoda desperationis omnis omnino remedii evadendi penas, vehementissimæ etiam apprehensionis Dei ut hostis, summa præterea tristitia in voluntate de bonis amissis, præterea beatitudine, & similium, quæ perpetuò durant, ita ut nullo unquam momento intermittant, at verò in statu naturæ lapsæ, ad breve saltum tempus, per intervalla cessant tentationes, & molestiæ, quo tempore nulla est impossibilitas, actum hunc amoris elicendi, non physica, nam supponuntur vires physica sufficientes; nec moralis, hæc enim ex temptationibus ac molestiis provenit, sed haec illo tempore nullæ sunt. Cùn ergo, ut facetur Suarez cap. 35, & videtur mens aliorum qui sententiam contrariam sequuntur, speciale auxilium ad hunc actum tanquam principium illius elicitive non requiratur, sed solum ut tollantur impedimenta, non est cur elici eo tempore non possit, quo haec sunt ablata, vel cessant.

VI. *Dicet : Nat-
lus unquam
viribus na-
ture elicite-
fieri quod nullum fecisse teſſeris. Sed nullus unquam viribus naturæ ejusmodi actum amoris elicuit, ergo, adhuc amo-
ritus Dei; ergo
elicit non po-
test.*

Dices quintò : quod nunquam factum est, si-gnum est esse moraliter impossibile juxta illud fangi-
etii Hieronymi, *Quæ est ista argumentatio* (nempe Pelagianorum) *posse esse quod nunquam fuerit, posse* *fieri quod nullum fecisse teſſeris*. Sed nullus unquam viribus naturæ ejusmodi actum amoris elicuit, ergo, minor probatur ex Apostolo ad Romanos 1. v. 21. ubi de antiquis Græcis & Romanis ait : *Qui cum cognovissent Deum, non sicut Deum glorificaverunt, &c.*

Respondetur cum Suario cap. 35. num. 22, incertum esse utrum aliquando Deus auxilium gentibus ad hunc actum exercendum non dederit, nec per discursum, aut ex effectibus posse contrarium dignosci. Ad illud verò sancti Pauli dici potest, *ri Dei ali-
non loqui ipsum de uno vel altero actu, sed de quando non
frequentibus & constanter, quâ de causâ absolute eliciſſe.* de iis dici potest, quod Deum non sicut Deum glorificaverint ; esto enim bonus aliquos actus interdum habuerint, postea nihilominus accidente tentatione, ad se reversi evanuerunt in cogitationibus suis, & superbìa elati, Deum ejusque mandata contempserunt.

Sic etiam dicuntur Angeli non glorificasse VIII. *Angeli om-
nes, tam
mali quam
boni ad Deum
se aliquan-
do conver-
terunt, &
tamen dicil-
tur mali
non glorifi-
casse Deum.*

Deum, peccasse ab initio, & alia hujusmodi, cum tamen communis sit Theologorum sententia cum sancto Augustino 12. de civitate Dei cap. 11. & sancto Thoma 1. p. q. 62. art. 6. Angelos in gratia fuisse creatos, imo omnes tam malos quam bonos se primò creationis instanti ad Deum convertere : Unde S. Thomas 1. p. q. 63. art. 5. corpore ait erroneum esse affirmare demonem primo sua creationis instanti peccasse. Eodem ergo modo, licet Philosophi Deum per actus aliquos bonos honorare interdum potuerint, adeo tamen pauci fuerunt respectu peccatorum, quibus ipsum offenderunt, ut iis non obstantibus dici absolute possint, illum non sicut Deum glorificasse.

X x Responde-

IX.

Non est hic sermo de illo, qui plurimi contraxit, & virtus ita irretita est, & immerita, ut eius videatur vix posse emergere: homo enim qui in hoc statu est, ægrè etiam per gratiam, nisi valde specialem ad hujusmodi actus eliciendos excitatur.

Procedit itaque præfens quæstio de naturâ lapsâ, seu peccato originali infectâ, unde & dicunt communiter eandem de illâ esse rationem ac de naturâ in puris naturalibus constituta, ut videtur est in Suario hic, cap. 36. num. 2. & aliis contra Alvarez: ubi aperte supponunt non esse sermonem de naturâ aliquâ virtutis hoc modo corruptâ.

SECTIO SEXTA.

Principia difficultas circa actum amoris Dei in naturâ lapsâ naturæ viribus eliciendum.

I.
Dites: Non potest quis natura viribus velle servare omnia mandata, cum servare ea debeat.

II.
Aliud est naturaliter velle facere aliquid, aliud velle facere naturaliter.

Res hec exempli variis declaratur.

DICES sexto: amor Dei super omnia, sive is supernaturalis sit, sive naturalis, includit voluntatem observandi omnia mandata, sed non potest homo velle viribus naturæ observare omnia inadata: nec enim potest quis velle viribus naturæ id facere, quod viribus naturæ fieri non potest, alioquin vellet impossibile. Hoc est fundamentum Patris Suarez hic, cap. 34. num. 17. ob quod contraria sententiam defendit.

Sed contrâ primo: aliud namque est viribus naturæ velle observare omnia mandata, aliud velle ea observare viribus naturæ; licet ergo hoc secundum homo non possit, de quo plura postea; prium tamen non repugnat: potest enim quis viribus naturæ velle id, quod viribus naturæ praestare non potest: sic cui concessa potestas est patrandi miracula, ut curandi morbos, posset naturali voluntate velle eos curare, quamvis naturaliter curare illos nequeat: sic Sacerdos aliquis potest naturali, inò peccaminosa voluntate velle consecrare, & corpus Christi miraculo illo modo sub speciebus constituere, & gratiam per baptismum in pueri animâ producere, etiam si neutrum horum praestare possit naturaliter. Eodem ergo modo, quidni poterit quis naturaliter velle servare mandata sperans peculiare ad hoc auxilium sibi à Deo concedendum; sicut heretici actu naturali sperant beatitudinem, etiam tamen sperare se per gratiam obtenturos.

Contrâ secundo: nec enim omnis amor etiam super omnia, est formaliter & explicitè comparatus, ut diximus, sed aliquando solum virtualiter, nempe talis actus ex modo tendendi amoris erga Deum, ut illo stante, peccare quis non possit, sed insidente tentatione vel resistere ei homo debeat, vel ab hoc amore cessare.

Contrâ tertio: ego siquidem hunc actum ingredientsur aliqua comparatio, etiam explicita, adhuc tamen potest bonitas divina cum claritate aliqua proponi, difficultas autem moralis in observandis mandatis valde obscurè, & cum exigua advertentia: quo in casu viderur posse hominem & Deum diligere, & velle etiam absolute mandata servare.

Contrâ quartò: hoc namque argumentum non probat actum ejusmodi amoris esse simpliciter impossibilem in naturâ lapsâ, etiam moraliter impossibilitate, sed ad summum esse impossibilem in eo qui novit hanc difficultatem; at verò fieri potest, ut aliquis eam ignoret. Unde & Pelagiani defecto in illo errore fuerunt, inò aliqui etiam Catholici existimaverunt posse hominem solis naturæ viribus totam legem naturalem implere; ergo in his saltem nulla apprehenditur impossibilitas ex parte objecti, & conseqüenter nil vetat, quod minus hujusmodi actum eliciant.

Contrâ quintò: nec enī ad amorem Dei, etiam super omnia, requiri videtur propositum ita absolutum, ut statuat quis simpliciter & explicitè omnia mandata observare, seu nunquam se deinceps peccatum, sed sufficit, si statuat tentationibus omnibus prout occurruunt resistere quantum potest: hoc enim Suarez ipse sufficere fatur ad actum attritionis, qui nihilominus ex parte propositi æquè universalis esse debet, ac contrito, licet differat ex parte motivi. Quare etiam si quis putet se postea verisimiliter peccatum, adhuc habere potest dolorem à Conciliis ad Sacramentum Pœnitentia requiritum, inò ut multi putant, etiam si Deus hoc ipsis revelaret, fore nimis ut postea peccaret; ergo non requiritur propositum ita omnino explicitum, & absolutum.

Hæc salvo meliori iudicio mihi videntur non improbabilia: qua tamen non eo animo propono, ut absolutè hoc affirmare velim, cùm contraria sententia, & communior multè sit, & ad divinæ gratiæ, quam hic illustrandam suscepimus, commendationem accommodatior. Quod si quis contraria opinionem sequi velit, dicere poterit hujusmodi actum amoris, cùm praestans adeò sit, difficultatem in se majorem continere, quam ut solis naturæ viribus superari queat.

III.
Omnis amor Dei non est formaliter, sed solum in terdum virtutiter ei.

IV.
Difficultas in observandis mandatis potest.

V.
Potest aliquis difficultatem observationis mandatorum ignorare; ergo in saltem possit hunc actum amoris elici.

VI.
Quale propositum istius voluntatis omnia peccata sunt ad afflictionem Dei necessarium.

VII.
Contraria sententia multe est inter theologos communiter.

DISPV-

